

Sacramento Lub Khoos Kas Little Saigon Gateway



Keeb Kwm Dhau Los

Sacramento Lub Khoos Kas Little Saigon Gateway tsis yog tsim los ua kom zoo nkauj xwb, tab sis nws yeej muaj keeb kwm fab kab lig kev cai, kev sib raug zoo, thiab kev lag luam los tau ntau caum xyoo nyob raws txoj kev Stockton Boulevard. Lub zej zog neeg nyab laj tau pib tsim nyob hauv thaj tsam no txij xyoo 1980 txog 2000, tom qab Saigon poob xyoo 1975, uas ua rau ntau tsev neeg Nyab Laj yuav tsum tau nrhiav lub neej tshiab nyob hauv Tebchaws Meskas. Thaum sij hawm dhau mus, txoj kev Stockton Boulevard tau dhau los ua lub tsev noj mov Nyab Laj, cov lag luam uas tsev neeg ua tswv, cov khw txhem muag khoom, cov koom haum pab cuam zej zog, thiab cov kev pab cuam uas tseem ceeb, uas tsim kom yog ib cheeb tsam kab lig kev cai zoo thiab muaj neeg paub heev.

Vim tuam ceeb nroog Sacramento pom tias cov neeg Nyab Laj tau tuaj nyob thaj tsam no tau ntau caum xyoo lawm, thiab pom tias lawv cov lag luam thiab kev coj noj coj ua yeej mus zoo heev lawm, lub tuam ceeb nroog ntawd thiaj li tau tsim tsa thiab lees paub thaj tsam no hu ua 'Nroog Saigon Me (Little Saigon)' yam raug raws cai nyob rau xyoo 2010.

Lub Khoos Kas Little Saigon Gateway no tsis yog nyuam qhuav pib xwb, tab sis yog tsim los tau ntau xyoo lawm uas cov pej xeem hauv lub zej zog tau sib koom ua ke tawm tswv yim thiab thov kom muaj ib lub cim loj uas muaj ntsiab lus tob txhawm rau qhia txog lawv txoj kev coj noj coj ua thiab qub txeeg qub teg uas lawv tau tseg los. Lub nroog tau txais nyiaj pab ntawm xeev thaj tsam li ntawm \$1,805,000 los ntawm Lub Khoos Kas Kev Rov Nqis Peev Hauv Zos (SB 104, Tsab Cai Hais Txog Peev Nyiaj Pab 2023), thiab ntxiv nrog nyiaj pab hauv zos thaj tsam li ntawm \$395,000, los tsim lub rooj vag nkag mus rau txoj kev Stockton Boulevard ncu ntawm Riza Avenue thiab 47th Avenue—uas yog lub plawv ntawm txoj kev Little Saigon. Cov peev nyiaj no txhawb nqa kev koom tes ntawm pej xeem, kev tawm qauv xub thawj, kev tawm qauv, cov dej num txog kev muaj cai siv thaj av, thiab kev tsim tsa.

Cov Hom Phiaj Lub Khoos Kas

- Hwm zaj keeb kwm, kev ua siab ntev, thiab cov kev pab txhawb fab kab lig kev cai ntawm Sacramento Lub Zej Zog Nyab Laj.
- Tsim ib lub cim txais tos thiab qhia txog tej qub txeeg qub teg uas tau sib faib thiab tawm qauv rau cov neeg phaum tom ntej.
- Ua kom txoj kev ntawd rov muaj neeg coob thiab muaj neeg nyiam tuaj taug, ua kom muaj neeg paub txog lub zej zog no zoo, thiab ua kom kev lag luam mus tau zoo.

Kev koom tes hauv zej zog yog ib qho tseem ceeb heev rau lub khoos kas, uas muaj cov neeg cev lus pab txhawb nqa thiab muaj cov ntaub ntawv ntau hom lus kom paub meej tias lub rooj vag no yuav ua tau raws nkaus li cov kab lis kev cai thiab lub zeem muag ntawm cov neeg nyob hauv thiab cov tswv lag luam uas yog tus tsim cheeb tsam no tuaj.




Cov Dej Num Ntawm Tuam Ceeb Nroog Tam Sim No

Tuam Ceeb Nroog tab tom txuas lus rau cov koom haum lag luam hauv zos, cov koom haum hauv zej zog, cov koom haum kev ntseeg, thiab cov thawj coj hauv zej zog uas mob siab rau kev tsim kho fab kev lag luam thiab lub zej zog ntau hauv neeg nyob ib ncig ntawm Stockton Boulevard. Cov zej zog ntau haiv neeg uas nyob raws thaj tsam no tau sib koom tes pab ua rau thaj tsam no muaj npe nrov heev txog kab lig kev cai, kev sib raug zoo, thiab lub cev. Kev kho thaj tsam no kom vam meej tsis yog yuav tsum ua kom lag luam khiav zoo xwb, tab sis tseem yuav tsum muab ntau yam kab lig kev cai saib rau nqi, pab txhawb nqa cov neeg uas nyob ntev kom muaj nyiaj txiag tseg rau phaum neeg tom ntej, pab cov tswv lag luam me kom lawv vam meej, thiab txhawb kom cov pej xeem nrog rau cov tswv lag luam tau ua tswv rau lawv lub tsev, lawv cov lag luam, lawv thaj av, thiab muaj cai koom tes nrog lub nroog.

Yog xav paub ntiv txog lub khoos kas los sis xav kom tau txais cov ntau ntawv hloov kho tshiab, ces nyem txoj kab txuas nkag mus hauv qab no:

cityofsacramento.gov/little-saigon-gateway-project



Pab Pawg Thawj Coj Tswj Hwm Little Saigon Gateway Steering muab lus pab tswv yim txog xim thiab cim, lub tswv yim tawm qauv, thiab lwm cov rooj vag hauv lub ntiaj teb.

Lub Kem Ntawv Teem Caij Khoos Kas

